

۱۵ شعبان سنہ ۱۳۳۵

چهارشنبه

۶ مایس سنہ ۱۳۳۳

صاحب امتیاز و مدیر مسئول حسن کاظم

ملت عثمانیہ — امت اسلامیہ ایچون مفید اولان آثارہ
صحیفہ لر من آجیقدر درج ایدلیان اوراق اعادہ ایدلزم

استانبولده باب عالی جوارنده ابوالسعود جاده سنده
نجم استقبال مطبعمه سنده اداره خانه من اصحاب
مراجعه هر ساعت آجیقدر

حزب اسلام صوفی

شمادیلک اون بش کونده بر نشیر اولنور

سر محرری: مصطفی فوزی

تاریخ تاسیسی ۱۳۲۷ سنہ هجری

سنه لك اعتباريله نمالك شاهانه ایچون بشین
اوله رق ۴۰ القی ایلغی ۲۵ غروش و نمالك
اجنیبه ایچون ۱۵ فرانقدر

تلفون نومروعی : ۱۰۹۷

نومرو ۱۲۸

تصوفی ، دینی ، اخلاقی ادبی ، سیاسی جریده اسلامیہ در
نسخه سی : غروش

احمدیہ دن قبول بیورلش برر مادہ قانونیہ در. دشمنی حرباً، اقتصاداً، سیاستاً ضعیف دوشورہ جک هر درلو اسباب مشروعه به توسل ایتمک جائز اوله جفنه اشارتاً (الحرب الخدعة) بیورلش اولدینی حالده استیلا ایدیلان دشمن ممالکنده قادینلره، جوجقلره، بالفعل و بالواسطه دشمن اردوسنه خدمت و معاونتی تحقق ایتمان اختیارلره و راهبلره و منزوی عابدلره و اهلیدن و عسکردن استیمان ایدنلره اردو و افراد عسکریه طرفندن ضرر ایزات ایدلامسی و دها بوکا متفرع مواد عادلانه جله سی شعائر اسلامیه دن اولدینی جهته برر فريضه ذمت عد اولایور. رسالتینامه افندمزک بوباده کی اماننامه سنیه لرینک ترجمه سی فریدون بک منشآتنده و دها سائر کتب قدیمه اسلامیه ده موجوددر. از جمله احمد مدحت افندی مرحومک استبشارنده ده درج ایدلشدر. مراق ایدن اورالرہ مراجعت ایدہ بیلور.

مصطفی فوزی

فاتح دراعمان :

فلسفه

— اسرار توحیددن برنیده —

ضماؤ و سرائرینه آگاه اوله مدیغمز انسان نه معلا بر مخلوق ذی شاندر. عوالم و مکنوناتک انمودج مصغری اولان انسان فی الحقیقه بر معمای الہیدر. زیرا کافہ موجودات معناً وجود انسانده مند مجدر. جناب خالق تعالی و تقدس حضرتلری لایعد مخلوقات میاندند (لقد خلقنا الانسان فی احسن تقویم)، (ولقد کرّمنا بنی آدم) نصوص جلیله ربانیه سنجہ جنس انسان و نوع بنی آدمی اجسن تقویم و مکرم اوله رق خلق بیورمیش، و شو خاکدان فایه، شو فسحتکده امکانه محضا هویت بشری افهام و ذات الوهیتی اعلام ایتمک مراد صمدانیه سیله کوندرمشدر. دنیا بر دارالامتحان، بر تجلیگاه وحدتدر بوراده هر فرد درجه استعداد و قوه فهمیه سی نسبتنده حسیات و شهوداتنه کوره مظهر تجلیات سبحانی اولور. بوده مراتب و درجات معنویه اوزرینه انقسام ایتمشدر. انسانی انسان کامل ایدن باشلیجه اسباب و وسائل، عالم اجسادہ نایچون کلدیکنی تفکر و تفرس ایدرک حزینہ ذاتنده مکنون اولان لالی حکمت، و جواهر حقیقی کشف ایلہ کندینی بیلیمک و واقف اسرار الہی اولقدر. (من عرف نفسه فقد عرف ربه) حدیث قدسی می مفاد عالیه سنجہ نفسی بیلن کیمسه ربه ده بیلور. کندی هویت ذاتیه سی فهم و ادراکدن عاجز قالان بر انسان جناب واجب الوجودک صفات قدسیت شمانه، ذات جلیل وحدانیتہ عارف اوله ماز، الاکنه نفسی واب ذاتنه واقف اواق لازدر.

و وطن اوغرینده جهاده حاضر لشمش اردویه و ملت مسلحه به استناد ایتمک خصوصنک بالفعل تحقیقه مندفع اوله بیلہ جکی حقسنده کی حقیقه اشارت واردر. اوت بو حدیث جلیل استقبالدہ همد شرفورودی زمانندن اون ایکی اون اوج عصر صکره کی راستقبالدہ ظهور ایدہ جک احوال دن خبر و بیور. عصر حضرت نبویه ده کیم بیلور ایدی که صنایع و تجارتی زقیلرینک تجاوزات و تحکیمات مسلحه سندن وقایه ایچون اردو و دوناخنسک سطوت و قوتنه استناد ایدہ جک ملنلر ظهور ایدوبده نهایت بو یوزدن خانانوسوز بر جهان حربی میدانہ حقیقه جق اوت اوزمان کیم بیلورودی که مکمل اردو و مترقی دوناخنسہ استناد ایدہ مک ساحه صنعت و تجارتده بحیر العقول بر ترقیه مظهر اولان آلمانانک صنایع و تجارتی محو ایتمک ایچون دنیای افساد ایدہ جک بر انگیز و عالم اسلامک ضعفیتدن بالاستفاده اوتہ دنیرو بسله دیکی جهانکیرلک خلیاسنی میدان علانیتہ آتہ رق بکانہ حکومت مستقله و خلافت اسلامیه اولان دولت عالیہ عثمانیه بنی محو ایچون هجوم ایدہ جک بر موسقوف حکومتی میدانہ حقیقه جق ده ایشته بو کون ایچنده بولندیدیمز حرب دهشتنا کده ساحه تجارتده غدارانه و محترکانه صورتده بازارکانلقه قاصه لرینی دنیانک آتولنلرینی طولدران رومانی بو تجارت و زراعتی نسبتنده مطلوب و ججهلہ اردو و قوته مالک اولدینی ایچون شو کوردیکمز ذلته دوجار اوله جق. [**] ایشته جناب رسالتاب افندمز حضرت تلزینک یاشادقلری عصر دن صکره ظهور ایدہ جک بتون وقایه برر برر ضمناً و صراحتاً خبر ویرمشدر. از جمله شو حدیث شریف بزه دستور العمل اولورسه نتیجه سی شویله خلاصه ایدیه بیلور.

ای مسلمانلر احتکار کبی ابنای بشری اضرار ایدہ جک هر درلو تجارت خیشه دن صاکنکز دین و دنیا کزی محافظه، تجارت و زراعتکزی ترقیده ادامه به کفایت ایدہ جک صورتده دشمنلریکزه قارشو هر آنده ملت مساحه اوله رق اردو و قوت ایلہ جهاد فی سبیل الله حاضر اولدیفکمز حالده تجارت و زراعت مشروعه ایلہ مشغول اولکمز. اگر بویله یامزده جهادی ترک ایدرک بالکمز تجارت منیه و زراعت فقریه به راضی اولوبده قالورسه کز دشمنلریکزک استیلای نفوذ و تحکمی تحتنده ذلیل و حقیر اولورسکزده سز شو حالکزده دوام ایتدکجه اوزل و سفالتی جناب حق تنزک اوزرکزدن ترع ایتمز.

جناب رسالتاب افندمز بتون علوم و فنون و قواعد و قوانین عادله حاضر بنی اون درت عصر اول برر برر بزه خبر ویرمشدر. بو کوئیکی حقوق دولک، احکام معقوله و عادلانه سی زمان پیغمبریده لسان حکمتیان محمدیدن شرفورود ایتمش حقسایقندن عسارتدر. دیه بیلور زک بو کوئیکی حرب طولانیسیله بتون ارباب فن حقوقک حق و حقیقت اوله رق قبول ایتدیکی مسائل و شئونات حربیه اون درت عصر اول طرف حضرت

[**] بو حدیث شریفک سری هر زمان و هر برده ظاهر در. باخصوص حرب حاضر طولانیسیله کویاکه مسلمانلره خارجیدن بر عبرت کوسقربیلور دیکدر. ینہ .. فاعتبروا ..

قطعه

— بر منزل زندانه —

زلال جام ذوق بوش ایدوب بز دست قدرندن
خیر اولوق رموز (من عرف) له سروحدندن
کوکل آرزو ایدرکن آخرنده رؤیه الهی
کوریدی وجه لاهوتی بزم سرآت حکمتدن
تجلیخانه داده بولوبجه نور توحیدی
نجرده غرقه سین کیدک چکیلک دار کثرتدن
(م... با) سن صاقین ناهلکد آجیه بواسراری
محقق اولیان آکلاری هیچ رآز حقیقتدن

کنجینه امرار خدانک انکشافی مطلقا (من عرف) سرخی کشف
وادرک ایتمک وابسته در .

خلاصه : سده معرفته اللهک مفتاحی مثابه سنده اولان معرفت
نفسدن محرومیت در کت سفای اسپیتده قالمقدور .

نقشه سلطانیه : احمد منیب الرفاعی

روحک فلسفه سی یاخود سرگذشت روحانی

مابعد :

طریق رسم ومنزلده خبردار پیره بند اولدم
سانوردم که مواعدن بتون بن شمدی قورتولدم
فقط هیات عوارض بربری آردنجه طویلاندی
ظهور ایندی بتون اخلاق حیوانیه جانالاندی
صفات خاصه ذاتیم اصلنده مقدسکن
شجاعت ، عفت و حکمت شعاع فیض اقدسکن
آمین ایله دی صورتده شهوتله غضب اولدی
تظاهر ایندی اخلاق ذمیمه ، شیطن طولدی
بنم شامده اطمینان ایله فرمان ایدلمشدی
رضا بابنده صافیت بکا احسان ایدلمشدی
تعلق نسبتی اماره لکله ایندی استظهار
مظاهرده نفاقکارانه احوال ایدلم اظهار
بتون اخلاق حیوانیه انواعیه ظاهر دی
ظواهرده عموماً حاکم و محکوم مظاهر دی
بواطن برده صورتله مستور بر حقیقتدی
بوصورت نشئه اصل وجوددن استعارتدی
مکر تشریک ایش توخید دیو ظن ایندیکم شیلر
بتون احوال ذاتیم ، بتون مذموم ، بتون ابر
بتون ثنیه ، عبادتدر دیو ظن ایندیکم اطوار
شقاوتش سعادت بیلدیکم افعال ایله افکار

کندی اصلندن خبردار اولیان بر کیسه تک
هند حقه فرق یوقدر لاجرم حیواندن
ذات رب لازله واسل اولماز شول کشتی
ایتمجه ترک عالم ، بکجه بجه جانندن

عالم وظاهرا له غیر قابل تفهم وتعلم اولان بو غوامض ومهماته
مطلع اولقی علم باطن تحصیلنه متوقفدر . علم ظاهرا له علم باطن نجم ایله
شمسک ضیاسنه تشبیه ایدیله بیلور . بالطبع خورشید درخشانک انوارینه
نسبتله ستاره بی فکرمه سی کاش لم یکن حکمنده در . ضیای شمسجه
مشبه اولان علمکده بر مکتبی بر معلی بر کتابی وار . مکتبی
(دبستان حقیقت) ، معلی ، (سبق آموز عرفان) کتابی (کتاب
لونیات) در . خدای لم یزل فرقان عظیم البرهاننده (وابتوا الیه
الوسیله ...) بیور یور معنای حقیقتی بی بولوق ایسترسه کز بی بولوش
قوللر مه اتباع ایدیکز اولنر سز بی بکا کتیر لر ، ذات وحدانیتله
توحید ایدر لر دیمکدر که بو ذوات ایسه باطنلری در حقائق رحمان
وکوهر معارف یزدان ایله پیراسته عارف بالله اولان مرشد کاملر در
تسلیمیت متوکلانه ایله آنلرک دست حق پیوست مرشدانسه یاپیشان
برسانک تحصیل ایلدیکی علوم لدنیه و دروس باطنیه نتیجه سی تجلی ایدن
فیوضات معنویه ایله درجه کالات و مرتبه علویانه واسل اوله رق عیون
غفلت نمونندن حجاب اسما رفع اولوب سر مسما تظاهر ایدر . چشم
بصیرت و دیده حقیقتله آثار محیره کائناتک مرهانی بر نقطه سه عطف
نگاه امعان ایش اولسه صفات فردیت وذات احدیتدن غیر بی هیچ
بر شی مصادف نظری اولماز ، انفس و آفاق سراسر نور ایله مستور
کورینور . جناب قادر مطلق حضرت برینک کمال قدرت وعظمت
ربانیه نه فارشی حیران و سرگردان قاهره کندن کچر ، عالم کثرتدن
بزم خاص وحدته کیرر . ایسته او زمان علائق جسمانیه وناسوتیه دن
تجرده کسوه بوش لاهوتی اوله رق (سبحانی ما اعظم شانی) سرخی
ذاتنده بولور کندیسنک علو و رفعتی ، وجود بر سودینک حقیقه
بر نسخه کبرا بر زبده عالم اولدینقی اکلار . بدایع لطرت آرضین
وسموات ، حیوانات و نباتات ، مرئی و غیر مرئی کافه موجوداتک
وجود حقدن عبارت بولندینقی تیقن ایدر . (لاموجود الا الله) (فایما
تولوا قم وجه الله) آیت کریمه سی ده بواسرار حقیقتی محتویدر . معنای
شریفی نه طرفه توجه ایتسه کز دیدار الهی اوراده در دیمکدر .
طبیعیدر که بونی هر کوزک کوره بیلیمی عذیم الامکاندر . بو نکات
ودقیقه حکمیات یالکز ارباب مکاشفه عیان ، کروه عوامدن ایسه
نهاندر . کما یخفی علی اهله . بر آیت کریمه ده دخی (من کان فی هذه
اعمی فهو فی الآخرة اعمی) بیورلمشدر . معنای شریفی بوراده کور
اولان آخرنده ده کوردر . معنای باطنیه دنیا ده کور اولوب ربی
کورده میان کیمسه عقاده ده کور اوله رق رؤیت دیدار حق ومشاهده
جمال اللهدن محروم اولور دیمکدر .